

八脛部 十七

○脛疽

靈樞曰發於脛名曰兔齧其狀如赤豆至骨急治之
不急治害人也

○脛陰癰

或問足小肚內側微紅微腫堅硬如石三四寸許痛
楚難禁何如曰此名黃鰍癰屬足太陰與足厥陰二
經濕熱又積憤所致宜服五香湯流氣飲加牛膝木
瓜防己黃蘗壯實者一粒金丹下之或萬病解毒丹
不足者十全大補湯加牛膝木瓜若過時潰出清水

虛火上升嘔吐不食者不治

○三里發

鬼遺云三里兩處起癰疽初發如牛眼睛青黑便五
七日破穴出黑血汁膿腫攻膀胱連腿裏拘急冷痛
此因傷筋氣勞力所成宜用湯藥注射其外毒自平
息矣

○接骨發

鬼遺云兩脚接骨近上膀胱下一處起丹疽如胡桃
大硬如物打磕之狀不苦疼但腫急脹慮其損筋亦
須早出膿毒可保平安也

○騙馬墜

鬼遺云垂珠左右兩處起癰爲騙馬墜初起大小不定此處微實皮肉薄紋緊口亦難合瘡初起宜以消散藥貼令內消此處亦易成漏瘡唯宜消散之硬卽恐緩慢難爲功矣又云交膈一處近稜線上亦爲騙馬墜防漏

俗名跨馬癰是也

○青蛇便

或問足肚之下結塊長二三寸許寒熱大作飲食不進何如曰此名青蛇便屬足少陰與足太陽經由腎經虛損濕熱下注所致頭向上者難治頭向下者刺

出惡血服活命飲加木瓜牛膝黃蘗或烏金散紫金丹選用老弱之人嘔吐腹脹神昏脉躁者死

青蛇便生小膀上下頭生望上攻走入腹者不可治頭生向下尾在上卽爲順可治也急服二十六味託裏散外用神方鐵箍散薑汁陳醋豬膽同調敷之上望下趕蛇頭上用三稜針針入二寸出黑紫血出針急下保生散用紙撚蘸藥送入

○瓜藤纏

或問足股生核數枚腫痛久之潰爛不已何如曰此名瓜藤纏屬足太陽經由臟腑濕熱流注下部所致

用防風通聖散加檳榔牛膝防己主之

○濕毒流注

或問足脛之間生瘡狀如牛眼或紫或黑膿水淋漓止處卽潰爛久而不斂何如曰此名濕毒流注暴風疾雨寒濕暑氣侵入腠理而成宜服防風通聖散加木瓜牛膝防己之類或當歸拈痛湯加牛膝

○下注瘡

或問脚膝間膿水不絕連年不愈何如曰此名下注瘡亦名濕毒瘡因脾胃濕熱下注以致肌肉不仁而成瘡也在外屬足太陽少陽經在內屬足厥陰足太

陰經宜服防風通聖散加木瓜防己牛膝之類外用祛風等湯藥洗製女貞葉貼之

○內踝疽

靈樞云發於內踝名曰走緩其狀癰色不變數石其輪而止其寒熱不死 或問足內生疽何如曰此名鞋帶癰由寒濕滯於足陽明與足厥陰肝經血澀氣阻所致初宜隔蒜灸之服流氣飲加牛膝木瓜防己壯實者一粒金丹下之老弱者十全大補湯內託黃芪柴胡湯主之

○外踝疽

或問足外踝生疽何如曰此名脚拐毒屬少陽膽經足太陽膀胱經濕熱下注宜服內託羌活湯黃連消毒散內託復煎散選用勝金丹烏金散紫金丹皆可用

○多骨疽 別見

或問足脛生疽既潰甚久而不愈腐爛出骨者何如曰此名多骨疽亦名剩骨又名朽骨蓋因毒氣壅盛結成此骨非正骨也宜服勝金丹十全大補湯加牛膝防己紫金丹烏金散人參養榮湯加木瓜牛膝防己相間服此疽因未潰之前補劑太過故結毒而不

散耳宜授仙紙黃龍膏貼之

○腓膻發

或問足小肚生疽寒熱煩躁何如曰此名腓膻發疽
屬足少陰腎經由腎水不足積熱所致古方云不治
宜活命飲加牛膝木瓜黃檗老弱者八珍湯加牛膝
壯實者一粒金丹下之涉虛者難治以腎氣丸十全
大補湯主之潰出血膿者生潰出清水者死

○廉瘡

鬼遺云兩曲腓膀肚下內外兩踝前有廉刃兩邊爲
裏外廉上結癰腫此處近骨難瘥宜用收毒散外貼

四畔中心卽用活血肉藥貼無害 或問足內外
生瘡連年不已何如曰此由濕熱下注瘀血凝滯於
經絡以致肌肉紫黑痒痛不時女人名爲裙風褲口
瘡卽臙瘡也最難克効蓋以裙扇地風濕盛故也宜
服獨活寄生湯防風通聖散加牛膝木瓜防已外用
隔紙膏或製女貞葉貼之 薛 臙瘡生於兩臙初起
赤腫久而腐潰或浸淫搔痒破而膿水淋漓蓋因飲
食起居虧損肝腎或因陰火下流外邪相搏而致外
臙屬足三陽濕熱可治內臙屬足三陰虛熱難治若
初起惡寒壯熱腫焮作痛者屬濕熱用檳蘇敗毒散

若漫腫作痛或不腫不痛者屬陰虛用補陰八珍湯
若膿水淋漓體倦食少內熱口乾者屬脾虛用補中
益氣加茯苓酒炒白芍藥若午後熱或作痛頭目不
清者屬陰火前湯加酒炒黑黃檗及六味地黃丸若
午後發熱至子時方止是血虛前湯加芎歸熟地
若鬱結傷脾而甚用歸脾湯加柴胡山梔若怒動肝
火而甚用補中益氣湯加川芎山梔黃芩內熱口乾
肢體倦怠或痰涎上升或口舌生瘡屬脾腎虛熱用
六味地黃丸補中益氣湯若患處黑黯肢體畏寒飲
食少思或脾腎虛敗用八味丸若誤用攻伐復損胃

氣絕其化源治亦難矣 鴻臚翟少溪兩脇生瘡漸
至遍身發熱吐痰口燥咽乾盜汗心煩溺赤足熱日
晡益甚形體日瘦此腎經虛火也用六味丸不月諸
證悉退三月元氣平復 一男子左脇腫肉色如故
寒熱惡心飲食少思此脾氣不足而爲外邪所感也
用六君加藿香桔梗川芎而寒熱止又用補中益氣
湯而腫痛消 陸懋誠素因陰虛過飲入房發熱腿
痛似臙瘡用發表之劑兩腿腫黯熱氣如霧欲發瘰
脉皆洪數兩尺尤大余曰屬足三陰虛酒濕所乘元
氣損而邪益甚耳用十全大補加山藥山茱萸附子

一劑脉證頓退却去附子又二劑全愈 一男子先患兩脇後及遍身生瘡似疥非疥時或膿水淋漓兩腿爲甚肢體倦怠作痒煩熱年餘不愈余作腎經虛火用加減八味丸而痊

二妙丸

治下焦濕瘡

但是下焦有瘡皆可服

潛行散末蒼朮

末各等分煉蜜爲丸桐子大

海黃芪丸

方局

治兩脇脚膝生瘡服此立安

川烏頭

炮去皮臍

川楝子

地龍

去土炒

藁香

炒

杜蒺藜

炒去刺

赤小豆

防風

去蘆

黃芪

剉各壹兩

烏藥

右爲細末酒煮麪糊爲丸如桐子大每服拾伍丸
溫酒下鹽湯亦得婦人醋湯下並空心服

治臙瘡極妙地骨皮壹斤黃檗皮貳兩剉爲粗末用
香油壹斤半煎濾過藥油六七兩入淨松香貳拾兩
黃丹貳兩同煎候黃丹微黑色却入輕粉柒角光粉
貳角煎法皆如煎膏法用長條紙拖過掛乾用若瘡
紫黑先用三稜針去惡血以冷水洗淨隨瘡大小剪
膏藥掩上用絹帛紮緊俟一周時再換膏藥換時須
用冷水洗瘡不過數換不問新久卽愈須忌日氣火
氣陽氣倘換膏藥再看如有黑腫未盡可再出血以

紫黑血盡爲度

治癰瘡用糯米泔漱口過洗瘡拭乾却以地骨皮爲細末蜜調傅瘡上又以油紙縛之

丹治癰瘡

白膠香

黃礬

軟石膏

另研各壹兩

青黛

龍骨

各半兩

右爲細末以香油調傅患處

又方用羯羊屎貳分石膏壹分赤石脂半分爲細末香油和之舊黑油傘紙作隔膏縛之除根

羅翠玉膏治癰瘡

瀝青

壹兩

黃蠟

銅綠

各貳錢

沒藥

乳香

各壹錢

右件先將銅綠爲細末入香油調勻又將黃蠟瀝青火上溶開次下油銅綠火上攪勻將沒藥等二味旋旋入攪勻用河水壹碗將藥傾在內用手扯拔勻油紙裏看瘡大小分大小塊口嚼捻成餅子貼於瘡上紙封三日易之

丹
賺瘡用砂糖水煮冬青葉三五沸撈起石壓乾將葉貼在瘡口上一日換二遍
脚痛成瘡水蓼煎湯洗瘡候乾自安

山賺瘡用韭汁洗淨拭乾剉虎骨傅上

乳香散

郭氏

治諸疔浸蝕日久不愈下注賺瘡內外

踝生瘡頑瘡等證

枯礬

白膠香

赤石脂

各半兩

黃丹

乳香

沒藥

各參錢

輕粉

貳錢

右為細末加麝些小如瘡濕乾上乾則香油調敷

輕粉散

郭氏

治下注疔瘡蝕臭腐爛疼痛不可忍者

黃礬

蜜炙

蜜陀僧

黃丹

高末茶

乳香

各參錢

輕粉

壹錢半